

四庫全書

史部

欽定四庫全書

史部

古今列女傳卷二

詳校官侍讀_臣陳萬青

刑部郎中_臣許兆椿覆勘

總校官中書_臣朱鈐

校對官助教_臣胡子襄

謄錄貢生_臣李樞

欽定四庫全書

古今列女傳卷二

明解縉等撰

周列國

衛姑定姜者衛定公之夫人公子之母也公子既娶而
死其婦無子畢三年之喪定姜歸其婦自送之至於野
恩愛哀思悲心感慟立而望之揮泣垂涕乃賦詩曰燕
燕于飛差池其羽之子于歸遠送于野瞻望不及泣涕

如雨送去歸泣而望之又作詩曰先君之思以畜寡人

君子謂定姜為慈姑過而之厚定公惡孫林父孫林父

奔晉晉侯使卻犇

音陳抽
人姓名

為請還定公欲辭定姜曰不

可是先君宗卿之嗣也大國又以為請而弗許將亡雖

惡之不猶愈於亡乎君其忍之夫安民而宥宗卿不亦

可乎定公遂復之君子謂定姜能遠患難詩曰其儀不

忒正是四國此之謂也定公卒立敬

音似

之子衍

音侃
人名

為君是為獻公獻公居喪而慢定姜既哭而息見獻公

之不哀也不內

音納

食飲歎曰是將敗衛國必先害吾人

夫禍衛國也夫吾不獲鱄

音專人名

也使主社稷大夫聞之

皆懼孫文子自是不敢舍其重器於衛鱄者獻公弟子

鮮也賢而定姜欲立之而不得後獻公暴虐慢侮定姜

卒見逐走出亡至境使祝宗告亡且告無罪於廟定姜

曰不可若令無神不可誣有罪若何告無也且公之行

舍大臣而與小臣謀一罪也先君有冢

鍾上聲

卿以為師

保而蔑

綿入聲

之二罪也余以中櫛

鍾入聲

事先君而暴妾

使余三罪也告亡而已無告無罪其後賴鮪力獻公復得反國君子謂定姜能以辭教詩云我言惟服此之謂也鄭皇耳帥師侵衛孫文子卜追之獻兆於定姜曰兆如山林有夫出征而喪其雄定姜曰征者喪雄禦寇之利也大夫圖之衛人追之獲皇耳於大丘君子謂定姜達於事情詩云左之左之君子宜之此之謂也

衛宣夫人者齊侯之女也嫁於衛至城門而衛君死保姆曰可以還矣女不聽遂入持三年之喪畢弟立請曰

衛小國也不容二庖請願同庖終不聽衛君使人愬

訴同

於齊兄弟皆欲與君使人告女女終不聽乃作詩曰我心匪石不可轉也我心匪席不可卷也厄窮不閔勞辱不苟然後能自致也言不失也然後可以濟難矣

衛宗二順者衛宗室靈王之夫人而及其傅妾也秦滅衛君乃封靈王世家使奉其祀靈王死夫人無子而守寡傅妾有子傅妾事夫人八年不衰供養愈謹夫人謂

傅妾曰孺

儒去聲

子養我甚謹子奉祀而妾事我我不聊

也且吾聞主君之母不妾事人今我無子於禮斥絀

音出

之人也而得留以盡其節是我幸也今又煩孺子不改

故節我甚內慙

慙同

吾願出居外以時相見我甚便之傳

妾泣而對曰夫人欲使靈氏受三不祥耶不幸早終是

一不祥也夫人無子而婢妾有子是二不祥也夫人欲

出居外使婢子居內是三不祥也妾聞忠臣事君無懈

音戒

倦時孝子養親患無日也妾豈敢以少貴之故變妾

之節哉供養固妾之職也夫人又何勤乎夫人曰無子

之人而辱主君之母雖子欲爾衆人謂我不知禮也吾終願居外而已傳妾退而謂其子曰吾聞君子處順奉上下之儀修先古之禮此順道也今夫人難我將欲居外使我居內此逆也處逆而生豈若守順而死哉遂欲自殺其子泣而守之不聽夫人聞之懼遂許傳妾留終年供養不衰君子曰二女相讓亦誠君子可謂行成於內而名立於後世矣詩曰我心匪石不可轉也此之謂也

齊田稷子之母也田稷子相齊受下吏之貨金百鎰

音逸

二十兩曰鎰

以遺其母母曰子為相三年矣祿未嘗多若此

也豈修士大夫之費哉安所得此對曰誠受之于下其母曰吾聞士修身潔行不為苟得竭情盡實不行詐偽非義之事不計於心非理之利不入於家言行若一情貌相副今君設官以待子厚祿以奉子言行則可以報君夫為人臣而事其君猶為人子而事其父也盡力竭能忠信不欺務在効忠必死奉命廉潔公正故遂而無

患今子反是遠忠矣夫為人臣不忠是為人子不孝也
不義之財非吾有也不孝之子非吾子也子起田稷子
慙而出反其金自歸罪於宣王請就誅焉宣王聞之大
賞其母之義遂舍音釋稷子之罪復其相位而以公金賜
母君子謂稷母廉而有化詩曰彼君子兮不素餐兮無
功而食祿不為也況於受金乎

齊相晏子僕御之妻也號曰命婦晏子將出命婦窺其
夫為相御擁大蓋策駟馬意氣揚揚甚自得也既歸其

妻曰宜矣子之卑且賤也夫曰何也妻曰晏子長不滿六尺身相齊國名顯諸侯今者吾從門間觀其志氣恂恂自下思念深矣今子身長八尺乃為之僕御耳然子之意揚揚若自足者妾是以去也其夫謝曰請自改何如妻曰是懷晏子之智而加以八尺之長也夫躬仁義事明主其名必揚矣且吾聞寧榮於義而賤不虛驕以貴於是其夫乃深自責學道謙遜常若不足晏子恠而問其故具以實對於是晏子賢其能納善自改升諸景

公以為大夫顯其妻以為命婦君子謂命婦知善故賢
人之所以成者其道博矣非特師傅朋友相與切嗟也
妃匹亦居多焉詩云高山仰止景行行止言當常嚮為
其善也

齊靈仲子者宋侯之女齊靈公之夫人也初靈公娶於
魯聲姬生子光以為太子夫人仲子與其弟_音戎子皆

嬖於公仲子生子牙戎子請以牙為太子代光公許之
仲子曰不可夫廢常不祥間諸侯難失謀夫光之立也

列於諸侯矣今無故而廢之是專絀諸侯而以難犯不
祥也君必悔之在我而已仲子曰妾非讓也誠禍之萌
也以死爭之公終不聽遂逐太子光而立牙為太子高
厚為傅靈公疾高厚微迎光及公薨崔杼音佇立光而
殺高厚以不用仲子之言禍至於此君子謂仲子明於
事理詩云聽用我謀庶無大悔仲子之謂也

孟姬者華氏之長女齊孝公之夫人也好禮貞一過時
不嫁齊中求之禮不備終不往躡音聶男席語不及外遠

別避嫌齊中莫能備禮求焉齊國稱其貞孝公聞之乃

修禮親迎于華氏之室父母送孟姬不下堂母醮焦去聲

房之中結其衿音今縞音離誠之曰必敬必戒無違宮事父

誡之東階之上曰必夙興夜寐無違命其有大妨於王

命者亦勿從也諸母誠之兩階之間曰敬之敬之必終

父母之命夙夜無怠視之衿縞父母之言謂何姑姊音子

妹誠之門內曰夙夜無愆視之衿音盤無忘父母之言

孝公親迎孟姬於其父母三顧而出親迎之綏音雖自御

輪三曲顧姬與遂納於宮三月廟見而後行夫婦之道

既居久之公遊於琅邪

音耶地名

華孟姬從車奔姬墮

陀去聲

車碎孝公使駟馬立車載姬以歸姬使侍御者舒帷以

自障

音帳

蔽而使傅母應使者曰妾聞妃后踰閭

音域

必乘

安車輜

音緇

輶

音萍

下堂必從傅母保阿進退則鳴玉環佩

內飾則結紐

音扭

綢

音稠

繆野處則帷裳擁蔽所以正心一

意自斂制也今立車無輶非所敢受命也野處無衛非

所敢久居也二者失禮多矣夫無禮而生不若早死使

者馳以告公更取安車比其反也則自經矣傅母救之不絕傅母曰使者至輜輶已具姬氏蘇然後乘而歸君子謂孟姬好禮禮婦人出必輜輶衣服綢繆既嫁歸問女昆弟不問男昆弟所以遠別也詩曰彼君子女綢直如髮其此之謂也

齊杞梁殖音寔之妻也齊莊公襲莒殖戰而死莊公歸遇

其妻使使者吊之於路杞梁妻曰令殖有罪君何辱命焉若令殖免於罪則賤妾有先人之敝廬在下妾不得

與郊吊於是莊公乃還車詣其室成禮然後去杞梁之妻無子內外皆無五屬之親既無所歸乃枕其夫之屍於城下而哭內誠動人道路過者莫不為之揮涕十日而城為之崩既葬曰吾何歸矣夫婦人必有所倚者父在則倚父夫在則倚夫子在則倚子今吾上則無父中則無夫下則無子內無所依以見吾誠外無所倚以見吾節吾豈能更二哉亦死而已遂赴淄音茲水名水而死君子謂杞梁之妻貞而知禮詩云我心傷悲聊與子同歸

此之謂也

虞姬者名媚之齊威王之姬也威王即位九年不治委政大臣佞臣周破胡專權擅勢嫉賢妬能即墨大夫賢而日毀之阿大夫不肖反日譽之虞姬謂王曰破胡讒諛之臣也不可不退齊有北郭先生者賢明有道可置左右破胡聞之乃惡虞姬曰其幼弱在於閭巷之時嘗與北郭先生通王疑之乃閉虞姬於九層之臺而使有司即窮驗問破胡賂執事者使竟其罪執事者誣其詞

而上之王視其詞不合於意乃召虞姬而自問焉虞姬
對曰妾娟之幸得蒙先人之遺體生於天壤之間去蓬
廬之下侍明王之讌泥附王著薦床蔽席供執掃除掌
奉湯沐至今十餘年矣惓惓音拳之心冀幸補一言而為
邪臣所擠音蠶湮音因於百重之下不意大王乃復而與之
語妾聞玉石墜泥不為汙柳下覆寒女不為亂積之於
素雅故不見疑也經瓜田不納履過李園不整冠妾不
避此罪一也既陷難中有司受賂聽用邪人卒見覆冒

不能自明妾聞寡婦哭城城為之崩亡士歎市市為之
罷誠信發內感動城市妾之冤明於白日雖獨號於九
層之內而衆人莫為毫釐妾之罪二也既有汙名而加
此二罪義固不可以生所以生者為莫白妾之汙名也
且自古有之伯奇放野申生被患孝順至明反以為殘
妾既當死不復重陳然願戒大王羣臣為邪破胡最甚
王不執政國殆危矣於是王大寤出虞姬顯之於朝市
封即墨大夫以萬戶烹阿大夫與周破胡遂起兵收故

侵地齊國震懼人知烹阿大夫不敢飾非務盡其職齊國大治君子謂虞姬好善詩云既見君子我心則降平聲此之謂也

鍾離春者齊無鹽邑之女宣王之正后也其為人極醜

無雙白頭深目長指大節音昂鼻結喉肥項少髮折腰

出胸皮膚若漆行年四十無所容入街音縣嫁不售流棄

莫執於是乃拂拭音式短褐音曷自詣宣王謂謁者曰妾齊

之不售女也聞君王之聖德願備後宮之掃除頓首司

馬門外唯王幸許之謁者以聞宣王方置酒於漸臺左
右聞之莫不掩口大笑曰此天下強顏女子也豈不異
哉於是宣王乃召見謂之曰昔者先王為寡人娶妃匹
皆已備有列位矣今夫人不容于鄉里布衣而欲于萬
乘之主亦有何奇能哉鍾離春對曰無有特竊慕大王
之美義王曰雖然何喜良久曰竊嘗喜隱宣王曰隱固
寡人之所願也試一行之言未卒忽然不見宣王大驚
立發隱書而讀之退而推之又未能得明日更召而問

之不以隱對但揚目銜齒舉手拊_音膝曰殆哉殆哉如

此者四宣王曰願遂聞命鍾離春對曰今大王之君國

也西有衡秦之患南有強楚之讐外有二國之難內聚

姦臣衆人不附春秋四十壯男不立不務衆子而務衆

婦尊所好忽所恃一旦山陵崩弛_音社稷不定一殆也

漸臺五重黃金白玉琅玕龍疏翡翠珠璣幕絡連飾萬

民罷_音極二殆也賢者匿於山林諂諛強於左右邪僞

立於本朝諫者不得通入三殆也飲酒沈湎_音以夜繼

畫女樂俳

音排

優縱

音縱

橫大笑外不修諸侯之禮內不秉

國家之治四殆也故曰殆哉殆哉於是宣王喟然而嘆

曰痛乎無鹽君之言乃今一聞於是拆漸臺罷女樂退

諂諛去雕琢

音卓

選兵馬實府庫四辟公門招進直言延

及側陋卜擇吉日立太子進慈母拜無鹽君為后而齊

國大安者醜女之力也君子謂鍾離春正而有辭詩云

既見君子我心則喜此之謂也

宿瘤

音留

女者齊東郭採桑之女閔王之后也項有大瘤

故號曰宿瘤初閔王出遊至東郭百姓盡觀宿瘤採桑如故王恠之召問曰寡人出遊車騎甚衆百姓無少長皆棄事來觀汝採桑道傍曾不一視何也對曰妾受父母教採桑不受教觀大王王曰此竒女也惜哉宿瘤女曰婢妾之職屬之不二予之不忘中心謂何宿瘤何傷王大悅之曰此賢女也命後乘載之女曰賴大王之力父母在內使妾不受父母之教而隨大王是奔女也大王又安用之王大慙曰寡人失之又曰貞女一禮不備

雖死不從於是王遣歸使使者加金百鎰往聘迎之父
母驚惶欲洗沐加衣裳女曰如是見王則變容更服不
見識也請死不往於是如故隨使者閔王歸見諸夫人
告曰今日出遊得一聖女今至斥汝屬矣諸夫人皆恠
之盛服而衛遲其至也宿瘤駭宮中諸夫人皆掩口而
笑左右失貌不能自止王大慙曰且無笑不飾耳夫飾
與不飾固相去十百也女曰夫飾相去千萬尚不足言
何獨十百也王曰何以言之對曰性相近也習相遠也

昔者堯舜桀紂俱天子也堯舜自飾以仁義雖為天子

安於節儉茅茨不剪采

也作木

椽不斲

音卓

後宮衣不重采

食不重味至今數千歲天下歸善焉桀紂不自飾以仁

義習為苛文造為高臺深池後宮蹈綺縠

音斛

弄珠玉意

非有饗時也身死國亡為天下笑至今千餘歲天下歸

惡焉由是觀之飾與不飾相去千萬尚不足言何獨十

百也於是諸夫人皆大慙閔王大感瘤女以為后出令

卑宮室填

音田

池澤損饁減樂後宮不得重采期月之間

化行鄰國諸侯朝之侵三晉懼秦楚一立帝號閔王至
於此也宿瘤女有力焉及女死之後燕遂屠齊閔王逃
亡而弑死於外君子謂宿瘤女通而有禮詩云菁菁
者莪在彼中阿既見君子樂且有儀此之謂也

菁音精

孤逐女者齊即墨之女齊相之妻也初逐女孤無父母
狀甚醜齊相婦死逐女造襄王之門而見謁者曰妾昔
三逐於鄉五逐於里孤無父母擯音棄於野無所容止

願當君王之盛顏盡其愚辭左右復於王王輟音食吐

哺

音步

而起左右曰三逐於鄉者不忠也五逐於里者少

禮也不忠少禮之人王何為遽王曰子不識也夫牛鳴

而馬不應非不聞牛聲也異類故也此人必有與人異

者矣遂見與之語三日始一日曰大王知國之柱乎王

曰不知也逐女曰柱相國是也夫柱不正則棟不安棟

不安則橑

音衰

橑

音老

墮則屋幾覆矣王則棟矣庶民橑橑

也國家屋也夫屋堅與不堅在乎柱國家安與不安在

乎相今大王既有明知而國相不可不審也王曰諾其

二日王曰吾國相奚若對曰王之國相比目之魚也外
比內比然後能成其事就其功王曰何謂也遂女對曰
朋其左右賢其夫妻是外比內比也其三曰王曰吾相
其可易乎遂女對曰中才也求之未可得也如有過之
者何為不可也今則未有妾聞明王之用人推一而用
之故楚用虞丘子而得孫叔敖燕用郭隗挽上聲而得樂
毅大王誠能厲之則此可用矣王曰吾用之奈何遂女
對曰昔者齊桓公尊九九之人而有道之士歸之越王

敬螳

音螳 堂娘音郎

之怒而勇士死之葉公好龍而龍為暴下

物之所徵固不須頃王曰善遂尊相敬而事之以逐女妻之齊國以治詩云既見君子並坐鼓瑟此之謂也

王孫氏之母者齊大夫王孫賈之母也賈年十五事齊閔王國亂閔王出見弑國人不討賊王孫母謂賈曰汝朝出而晚來則吾倚門而望汝莫音暮出而不還則吾倚

閭而望今汝事王王出走汝不知其處汝尚何歸乎王

孫賈乃入市中而令百姓曰淖

音闌

齒亂齊國弑閔王欲

與我誅之者袒右市人從者四百人與之誅淖齒刺而殺之君子謂王孫母義而能教詩云教誨爾子式穀似之此之謂也

魯季敬姜者莒女也號戴己魯大夫公父穆伯之妻文伯之母季康子之從祖叔母也博達知禮穆伯先死敬姜守養文伯出學而還歸敬姜側目而盼之見其友上堂從後階降而却行奉劔而正履若事父兄文伯自以為成人矣敬姜召而數之曰昔者武王罷朝而結絲綵

機同絕左右顧無可使結之者俯而自申之故能成王道

桓公坐友三人諫臣五人日舉過者三十人故能成伯

霸音業周公一食而三吐哺一沐而三握髮所執音贄至而

見於窮閭隘巷者七十餘人故能存周室彼二聖一賢

者皆伯王之君也而下人如此其所與遊者皆過已者

也是以日益而不自知也今以子年之少而位之卑所

與游者皆為服役子之不益亦以明矣文伯乃謝罪於

是乃擇嚴師賢友而事之所與遊處者皆黃耄音倪齒

也文伯引衽

壬上聲

攘

音攘

捲而親饋

音饋

之敬姜曰子成人

矣君子謂敬姜備於教化詩曰濟濟多士文王以寧此之謂也文伯相魯退朝朝敬姜敬姜方績文伯曰以歟

衝入聲

之家而主猶績懼季孫之怒其以歟為不能事

主乎敬姜歎曰魯其亡乎使僮子備官而未之聞邪居

吾語汝昔聖王之處民也擇瘠

音籍

土而處之勞其民而

用之故長王天下夫民勞則思思則善心生逸則淫淫則忘善忘善則惡心生沃土之民不材淫也瘠土之民

嚮義勞也是故天子大采朝日與三公九卿祖識地德

日中考政與百官之政事師尹維旅牧相宣敬民事少

采夕月與太史司載糾

音九虔乾

天刑日入監九御使潔

奉禘

音弟

郊之粢

音茲

盛而後即安諸侯朝修天子之業命

畫考其國政夕省其典刑夜儆百工使無愒

音叨

淫而後即

安卿大夫朝考其職畫講其庶政夕序其業夜庀

早去聲

其家事而後即安士朝而受業畫而講貫夕而習復夜

而計過無憾而後即安自庶人已下明而動晦而休無

日以怠王后親織玄統

貪上聲

公侯之夫人加之以紘

宏音

紘

音延

卿之內子為大帶命婦成祭服列士之妻加之以

朝服自庶士以下皆衣其夫社而賦事烝而獻功男女

効績愆則有辟古之制也君子勞心小人勞力先王之

訓也自上以下誰敢淫心舍力今我寡也爾又在下位

朝夕處事猶恐忘先人之業況有怠惰其何以避辟吾

冀汝朝夕修我曰必無廢先人爾今曰胡不自安以是

承君之官余懼穆伯之絕祀也仲尼聞之曰弟子志之

季氏之婦不淫矣詩曰婦無公事休其蠶織言婦人以

織績為公事者也休之非禮也文伯飲南宮敬叔酒以

露堵

都上聲

父為客羞

音脩

豔

邊入聲

焉小堵父怒相延食豔

堵父辭曰將使豔長而食之遂出敬姜聞之怒曰吾聞

之先子曰祭養尸饗養上賓豔於人何有而使夫人怒

遂逐文伯五日魯大夫辭而復之君子謂敬姜為慎微

詩曰我有旨酒嘉賓式燕以樂言尊賓也文伯卒敬姜

戒其妾曰吾聞之好內女死之好外士死之今吾子天

死吾惡其以好內聞也二三婦之辱共祀先祀者請毋
瘠色毋揮涕毋搥膺毋憂容有降服毋加服從禮而靜
是昭吾子仲尼聞之曰女知莫如婦男知莫如夫公父
氏之婦知矣欲明其子之令德詩曰君子有穀貽音移厥
孫子此之謂也敬姜之處喪也朝哭穆伯莫哭文伯仲
尼聞之曰季氏之婦可謂知禮矣愛而無私上下有章
敬姜嘗如季氏康子在朝與之言不應從之及寢門不
應而入康子辭於朝而入見曰肥也不得聞命母乃罪

耶敬姜對曰子不聞耶天子及諸侯合民事於外朝自卿大夫以下合官職於外朝合家事於內朝寢門之內婦人治其職焉上下同之夫外朝子將業君之官職焉內朝子將庀季氏之政焉皆非吾所敢言也康子嘗至敬姜闔音門而與之言皆不踰闕祭悼音盜音子康子與焉酢音不受徹俎音祖音不讌宗不具不繹繹不盡飫音於音則退仲尼謂敬姜別於男女之禮矣詩曰女也不爽霜上聲此之謂也

魯大夫柳下惠之妻也柳下惠處魯三黜而不去憂民

救亂妻曰無乃瀆乎君子有二耻國無道而貴耻也國

有道而賤耻也今當亂世三黜而不去亦近耻也柳下

惠曰油油之民將陷於害吾能已乎且彼為彼我為我

彼雖裸

羅上聲

裋

音呈

安能汙我油油然與之處仕於下位

柳下既死門人將誄

音累

之妻曰將誄夫子之德耶則二

三子不如妾知之也乃誄曰夫子之不伐兮夫子之不

竭兮夫子之信誠而與人無害兮屈柔從俗不强察兮

蒙耻救民德彌大兮雖遇三黜終不蔽兮豈

開上聲

弟君

子永能厲兮嗟呼惜哉乃下世兮庶幾遐年兮遂逝兮

嗚呼哀哉魂神泄兮夫子之謚

音示

宜為惠兮門人從之

以為誄莫能竄

攢去聲

一字君子謂柳下惠妻能光其夫

矣詩曰人知其一莫知其他此之謂也

臧孫母者魯大夫臧文仲之母也文仲將為魯使至齊

其母送之曰汝刻而無恩好盡人力窮人以威魯國不

容子矣而使子之齊凡奸將作必於變動害子者其於

斯發事乎汝其戒之魯與齊通壁壁鄰之國也魯之寵
臣多怨汝者又皆通於齊高子國子是必使齊圖魯而
拘汝留之難乎其免也汝必施恩布惠而後出以求助
焉於是文仲託於三家厚士大夫而後之齊齊果拘之
而興兵欲襲魯文仲微使人遺公書恐得其書而謬其
辭曰歛小器投諸台食獵犬組羊裘琴之合甚思之臧
我羊羊有母食我以同魚冠纓不足帶有餘公及大夫
相與議之莫能知之人有言臧孫母者世家子也君何

不試召而問焉於是召而語之曰吾使臧子之齊今持書來云爾何也臧孫母泣下襟曰吾子拘有木治矣公曰何以知之對曰斂小器投諸台者言取郭外萌內

納音

之於城中也食獵犬組羊裘者言趣饗戰鬪之士而繕

音善甲兵也琴之合甚思之者言思妻也臧我羊羊有母

是蓋告妻善養母也食我以同魚同者其文錯錯者所

以治鋸

音據

鋸者所以治木也是有木治係於獄矣冠纓

不足帶有餘者頭亂不得梳飢不得食也故知吾子拘

而有木治者於是以臧孫母之言軍於境上齊方發兵將以襲魯聞兵在境上乃還文仲而不伐魯君子謂臧孫母識微見遠詩云陟音職彼屺音起今瞻望母兮此之謂也

魯公乘嬖者魯公乘子皮之姊也其族人死嬖哭之甚悲子皮止嬖曰安之吾令嫁姊矣已過時子皮不復言也魯君欲以子皮為相子皮問嬖曰魯君欲以我為相為之乎嬖曰勿為也子皮曰何也嬖曰夫臨喪而言嫁

一何不習禮也後過時而不言一何不達人事也子內
不習禮外不達人事子不可以為相子皮曰如欲嫁何
不早言如曰婦人之事唱而後和吾豈以欲嫁之故數
子乎子誠不習於禮不達於人事以此相一國據大衆
何以理之譬猶掩目而別黑白也掩目而別黑白猶無
患也不達人事而相國非有天咎必有人禍子其勿為
也子皮不聽卒受為相居未期年果誅而死君子謂公
乘如緣事而知弟之遇禍也可謂智矣待禮而後動不

苟觸

衡入聲

情可謂貞矣詩云擗音托兮擗兮風其吹汝叔

兮伯兮唱予和汝又曰百爾所思不如我所之此之謂

也

伯姬者魯宣公之女成公之妹也其母曰繆姜音穆嫁伯

姬於宋恭公恭公不親逆伯姬迫於父母之命而行既

入宋三月廟見當行夫婦之道伯姬以恭公不親逆故

不肯聽命宋人告魯魯使大夫季文子如宋致命於伯

姬還復命公享之繆姜出于房再拜曰大夫勤勞於遠

道辱送小子不忘先君以及後嗣使下而有知先君猶
有望也敢再拜大夫之辱伯姬既嫁於恭公十年恭公
卒伯姬寡至景公時伯姬常遇夜失火左右曰夫人少
避火伯姬曰婦人之義保傅不俱夜不下堂待保傅來
也保母至矣傳母未至也左右又曰夫人少避火伯姬
曰婦人之義傳母不至夜不可下堂越義而生不如守
義而死遂逮於火而死春秋詳錄其事為賢伯姬以為
婦人以貞為行者也伯姬之婦道盡矣當此之時諸侯

聞之莫不痛悼以為死者不可以生財物猶可復故相
與聚會於澶音蟬淵償宋之所喪春秋善之君子曰禮婦
人不得傳母夜不下堂行必以燭伯姬之謂也詩云淑
慎爾止不愆于儀伯姬可謂不失儀矣

晉趙衰

音催

妻者晉文公之女也號趙姬初文公為公子

時與趙衰奔狄狄人入其二女叔隗季隗於公子公以

叔隗妻趙衰生盾

豚去聲

及返國文公以其女趙姬妻趙

衰生原同屏括樓嬰趙姬請迎盾與其母而納之趙衰

辭而不敢姬曰不可夫得寵而忘舊舍義好新而嫚故
無恩與人勤於隘厄富貴而不顧無禮君棄此三者何
以使人雖妾亦無以侍執中櫛詩不云乎采芣菲無
以下體德音莫違及爾同死與人同寒苦雖有小過猶
與之同死而不去況於安新忘舊乎又曰讌爾新婚不
我屑以蓋傷之也君其迎之無以新廢舊趙衰許諾乃
迎叔隗與盾來姬以盾為賢請立為嫡子使三子下之
以叔隗為內婦姬親下之及盾為正卿思趙姬之讓恩

請以姬之中子屏括為公族大夫曰君姬氏之愛子也
微君姬氏則臣狄人也何以至此成公許之屏括遂以
其族為公族大夫君子謂趙姬恭而有讓詩曰溫溫恭
人維德之基趙姬之謂也

晉大夫伯宗之妻也伯宗賢而好以直辯凌人每朝其
妻常戒之曰盜憎主人民愛其上有愛好人者必有憎
妬人者夫子好直言枉者惡之禍必及身矣伯宗不聽
朝而以喜色歸其妻曰子貌有喜色何也伯宗曰吾言

於朝諸大夫皆謂我知似陽子妻曰實穀不華至言不飾今陽子華而不實言而無謀是以禍及其身子何喜焉伯宗曰吾欲飲諸大夫酒而與之語爾試聽之其妻曰諾於是為大會與諸大夫飲既飲而問妻曰何若對曰諸大夫莫子若也然而民之不能戴其上久矣難必及子子之仕固不可易也且國家多貳其危可立待也子何不預結賢大夫以託州犂焉伯宗曰諾乃得畢羊而交之及樂不思之難卻害伯宗讚簪去聲而殺之畢羊

乃送州犂于荆遂得免焉君子謂伯宗之妻知天道詩云多將煇煇音堅不可救藥此之謂也

叔姬者羊舌子之妻也叔向叔魚之母也一姓楊氏叔向名肸叔魚名鮒音付羊舌子好正不容於晉去而之三

室之邑三室之邑人相與攘羊而遺之羊舌子不受姬曰夫子居晉不容去之三室之邑又不容於三室之邑是於夫子不容也不如受之羊舌子受之曰為肸與鮒亨之叔姬曰不可南方有鳥名曰乾吉食其子不擇肉

子常不遂令肸與鮒童子也隨大夫而化者不可食以

不義之肉不若埋之以明不與於是乃盛以甕

翁去聲

埋

廬音盧陰後二年攘羊之事發都吏至羊舌子曰吾受之

不敢食也發而視之則其骨存焉都吏曰君子哉羊舌

子不與攘羊之事矣君子謂叔姬為能防害遠疑詩曰

無曰不顯莫予云覲

音構

此之謂也叔向欲娶於申公巫

臣氏夏姬之女美而有色叔姬不欲娶其族叔向曰吾

母之族貴而無庶吾懲舅氏矣叔姬曰子靈之妻殺三

夫一君一子而亡一國兩卿矣爾不懲此而反懲吾族
何也且吾聞之有奇福者必有奇禍有甚美者必有甚
惡今是鄭穆少妃姚子之子子貉音鶴之妹也子貉早死
無後而天鍾美於是將必以是大有敗也昔有仍氏生
女髮黑而甚美光可鑑人名曰玄妻樂正夔音達娶之生
伯封實有豕心貪惓音嵐母期忿戾無饜謂之封豕有窮
后羿音義滅之夔是用不祀且三代之亡及恭太子之廢
皆是物也汝何以為哉夫有美物足以移人苟非德義

則必有禍也叔向懼而不敢娶平公強使娶之生揚食

我食我號伯碩

音石

伯碩生時侍者謁之叔姬曰長姁產

男叔姬往視之及堂聞其號也而還曰豺

音柴

狼

音郎

之聲

也狼子野心今將滅羊舌氏者必是子也遂不肯見及

長與祈勝為亂晉人殺食我羊舌氏由是遂滅君子謂

叔姬為能推類詩云如彼泉流無淪胥以敗此之謂也

叔姬之始生叔魚也而視之曰是虎目而豕喙

音緣鵞肩

而牛腹谿壑可盈是不可饜也必以賂死遂不見及叔

魚長為國贊理邢侯與雍子爭田雍子入其女於叔魚以求直邢侯殺叔魚與雍子於朝韓宣子患之叔向曰三姦同罪請殺其生者而戮其死者遂族邢侯氏而尸叔魚與雍子於市叔魚卒以貪死叔姬可謂智矣詩云貪人敗類此之謂也

晉范氏母者范獻子之妻也其三子遊於趙氏趙簡子乘馬園中園中多株問三子曰奈何長者曰明君不問不為亂君不問而為中者曰愛馬足則無愛民力愛民

力則無愛馬足少者曰可以三德使民設令伐株於山
將有馬為也已而開圉示之株夫山遠而圉近是民一
悅矣去險阻之山而伐平地之株民二悅矣既畢而賁
賣民三悅矣簡子從之民果三悅少子伐其謀歸以告
母母喟然歎曰終滅范氏者必是子也夫伐功施勞鮮
能布仁乘偽行詐莫能久長其後智伯滅范氏君子謂
范氏母為知難本詩曰無忝爾祖式救爾訛此之謂也
懷嬴音盈者秦穆之女晉惠公太子之妃也圉音語質音質於

秦穆公以嬴妻之六年圉將逃歸謂嬴氏曰吾去國數
年子父之接忘而秦晉之友不加親也夫鳥飛反鄉狐
死首丘我之首晉而死子其與我行乎嬴氏對曰子晉
太子也辱於秦子之欲去不亦宜乎雖然寡君使婢子
侍執巾櫛以固子也今吾不足以結子是吾不肖也從
子而歸是棄君也言子之謀是負妻之義也二者無一
可行雖吾不從子也子行矣吾不敢泄言亦不敢從也
子圉遂逃歸君子謂懷嬴善處夫婦之間

楚將子發之母也子發攻秦絕糧使人請於王因歸問

其母母問使者曰士卒得無恙乎對曰士卒并分菽

音叔

粒而食之又問將軍得無恙乎對曰將軍朝夕芻

音患

黍梁子發破秦而歸其母閉門而不納使人數之曰子

不聞越王勾踐之伐吳客有獻醇酒一器王使人注江

之上流使士卒飲其下流味不及加美而士卒戰自五

也異日有獻一囊糗

休上聲

糗

音敗

者王又以賜軍士分食

之甘不踰

音益

而戰自十也今子為將士卒并分菽粒

而食之子獨朝夕芻豢黍粱何也詩不云乎好樂無荒
良士休休言不失和也夫使人入於死地而自康樂於
其上雖有以得勝非其術也子非吾子也無入吾門子
發於是謝其母然後納之君子謂子發母能以教誨詩
云教誨爾子式穀似之此之謂也

樊姬楚莊王之夫人也莊王即位好狩獵樊姬諫不止
乃不食禽獸之肉王改過勤於政事王嘗聽朝罷晏姬
下殿迎曰何罷晏也得無饑倦乎王曰與賢者語不知

饑倦也。姬曰：王之所謂賢者何也？曰：虞丘子也。姬掩口而笑。王曰：姬之所笑何也？曰：虞丘子賢則賢矣，未忠也。王曰：何謂也？對曰：妾執巾櫛十一年，遣人之鄭衛求美人，進於王，今賢於妾者二人同列者七人，妾豈不欲擅王之寵愛哉？妾聞堂上蕪女所以觀人能也，妾不能以私蔽公，欲王多見知人能也。今虞丘子相楚十餘年，所薦非子弟，則族昆弟，未聞進賢退不肖，是蔽君而塞賢路，知賢不進，是不忠；不知其賢，是不知也。妾之所笑不

亦可乎王悅明日王以姬言告虞丘子丘子避席不知
所對於是避舍使人迎孫叔敖而進之王以為令尹治
楚三年而莊王以霸楚史書曰莊王之霸樊姬之力也
詩曰大夫夙退無使君勞其君者謂女君也又曰溫恭
朝夕執事有恪此之謂也

楚令尹孫叔敖之母也叔敖為嬰兒之時出遊見兩頭
蛇殺而埋之歸見其母而泣焉母問其故對曰吾聞見
兩頭蛇者死今者出遊見之其母曰蛇今安在對曰吾

恐他人復見之殺而埋之矣其母曰汝不死矣夫有陰德者陽報之德勝不祥仁除百禍天之處高而聽卑書不云乎皇天無親惟德是輔爾嘿音墨矣必興於楚及叔敖長為令尹君子謂叔敖之母知道德之次詩云母氏聖善此之謂也

伯嬴者秦穆公之女楚平王之夫人昭王之母也當昭王時楚與吳為柏舉之戰吳勝楚遂入至郢昭王亡吳王闔音合閭盡妻其後宮次至伯嬴伯嬴持刃曰妾聞天

子者天下之表也公侯者一國之儀也天子失制則天下亂諸侯失節則其國危夫婦之道固人倫之始王教之端是以明王之制使男女不親授坐不同席食不共

器殊橈

音桀
移枷同

異巾櫛所以施之也若諸侯外淫者絕

卿大夫外淫者放士庶人外淫者宮割夫然者以為仁失可復以義義失可復以禮男女之失亂亡興焉夫造亂亡之端公侯之所絕天子之所誅也今君王棄儀表之行縱亂亡之欲犯誅絕之事何以行令訓民且妾聞

生而辱不若死而榮若使君王棄其儀表則無以臨國
妾有淫端則無以生世一舉而兩辱妾以死守之不敢
承命且君所欲妾者為樂也近妾而死何樂之有如先
殺妾又何益於君王於是吳王慙遂退舍伯嬴與其保
阿閉永巷之門皆不釋兵三旬秦救至昭王乃復矣君
子謂伯嬴勇而精一詩曰莫莫葛藟施于條枚音梅豈弟
君子求福不回此之謂也

貞姜者齊侯之女楚昭王之夫人也王出遊留夫人漸

臺之上而去王聞江水大至使使者迎夫人忘持其符
使者至請夫人出夫人曰王與宮人約令召宮人必以
符令使者不持符妾不敢從使者行使者曰今水方大
至還而取符則恐後矣夫人曰妾聞之貞女之義不犯
約勇者不畏死守一節而已妾知從使者必生留必死
然棄約越義而求生不若留而死耳於是使者取符則
水大至臺崩夫人流而死王曰嗟夫守義死節不為苟
生處約持信以成其貞乃號之曰貞姜君子謂貞姜有

婦節詩云淑人君子其儀不忒此之謂也

楚昭越姬者越王勾踐之女楚昭王之姬也昭王燕遊
蔡姬在左越姬叅右王親乘駟以馳逐遂登附社之臺
以望雲夢之囿觀士大夫逐者既驩乃顧謂二姬曰樂
乎蔡姬對曰樂王曰吾願與子生若此死又若此蔡姬
曰昔敝邑寡君固以其黎民之役事君王之馬足故以
婢子之身為苞苴音疽玩好今乃比於妃嬪固願生俱樂
死同時王顧謂史書之蔡姬許從孤死矣乃復謂越姬

越姬對曰樂則樂矣然不可久也王曰吾願與子生若
此死若此其不可得乎越姬對曰昔吾先君莊王淫樂
三年不聽政事然而能改卒霸天下妾以君王為能法
吾先君將改斯樂而勤於政也今則不然而要婢子以
死其可得乎且君王以東帛乘馬取婢子於敝邑寡君
受之大廟也不約死妾聞之諸姑婦人以死彰君之善
益君之寵不聞其以苟從其闇音暗死為榮妾不敢聞命
於是王寤敬越姬之言而猶親嬖蔡姬也居二十五年

王救陳二姬從王病在軍中有赤雲夾日如飛鳥王問
周史史曰是害王身然可以移於將相將相聞之將請
以身禱於神王曰將相之於孤猶股肱也今移禍焉庸
為去是身乎不聽越姬曰大哉君王之德以是妾願從
王矣昔日之遊淫樂也是以不敢許及君王復於禮國
人皆將為君王死而況於妾乎請願先驅狐狸於地下
王曰昔之遊樂吾戲耳若將必死是彰孤之不德也越
姬曰昔日妾雖口不言心既許之矣妾聞信者不負其

心義者不虛設其事妾死王之義不死王之好也遂自
殺王病甚讓位於三弟三弟不聽王薨於軍中蔡姬竟
不能死王弟子閭與子西子期謀曰母信者其子必仁
乃伏師閉壁迎越姬之子熊章立是為惠王然後罷兵
歸葬昭王君子謂越姬信能死義詩曰德音莫違及爾
同死越姬之謂也

息君夫人者息君之夫人也楚伐息虜其君使守門將
妻其夫人而納之於宮楚王出遊夫人遂出見息君謂

之曰人生要一死而已何至自苦妾無須臾而忘君也
終不以身更貳醮生離於地上豈如死歸於地下哉乃
作詩曰穀則異室死則同穴謂予不信有如皦日息君
止之夫人不聽遂自殺息君亦自殺同日俱死楚王賢
其夫人守節有義乃以諸侯之禮合而葬之君子謂夫
人說於行善故叙之於詩夫義動君子利動小人息君
夫人不為利動矣詩云德音莫違及爾同死此之謂也
黎莊夫人者衛侯之女黎莊公之夫人也既往而不同

欲所務者異未嘗得見甚不得意其傳母閔夫人賢公
反不納憐其失意又恐其已見遣而不以時去謂夫人
曰夫婦之道有義則合無義則去今不得意胡不去乎
乃作詩曰式微式微胡不歸夫人曰婦人之道一而已
矣彼雖不吾以吾何可以離於婦道乎乃作詩曰微君
之故胡為乎中路終執貞一不違婦道以俟君命

趙將馬服君趙奢之妻趙括之母也秦攻趙孝成王使
括代廉頗為將將行括母上書言於王曰括不可使將

王曰何以曰始妾事其父父時為將身所奉飯者以十數所友者以百數大王及宗室所賜幣者盡以與軍吏士大夫受命之日不問家事令括一旦為將東向而朝軍吏更無所仰視之者王所賜金帛歸盡藏之乃日視便利田宅可買者王以為若其父乎父子不同執心各異願勿遣王曰母置之吾計已決矣括母曰王終遣之即有不稱妾得無隨坐王曰不也括既行代庶頗三十餘日趙兵果敗括死軍覆王以括母先言故卒不加誅

君子謂括母為仁智詩曰老夫灌灌小子蹢蹢

音脚匪我

言耄

音冒

爾用憂謔

音入聲

此之謂也

趙津女娟者趙河津吏之女趙簡子之夫人也初簡子

南擊楚與津吏期簡子至津吏醉卧不能渡簡子欲殺

之娟懼持楫而走簡子曰女子走何為對曰津吏息女

妾父聞主君來渡不測之水恐風波之起水神動駭故

禱祠九江三淮之神供具備禮御釐

音僇

受福不勝至祝

杯酌餘瀝

音歷

醉至於此君欲殺之妾願以鄙軀易父之

死簡子曰非女之罪也娟曰主君欲因其醉而殺之妾
恐其身之不知痛而心不知罪也若不知罪殺之是殺
不辜也願醒而殺之使其知其罪簡子曰善遂釋不誅簡
子將度用楫者少一人娟攘卷操楫而請曰妾願備父
持楫簡子曰不穀將行選士大夫齋戒沐浴義不與婦
人同舟而渡也娟對曰妾聞昔者湯伐夏左騃牝驪
右騃牝頻上聲靡而遂放桀武王伐殷左騃牝騏音其右騃
牝驪音離而遂克紂至於華山之陽主君不欲渡則已與

妾同舟又何傷乎簡子悅遂與渡中流為簡子發河激
之歌其辭曰升彼河兮面觀清水揚波兮杳冥冥禱求
福兮醉不醒誅將加兮妾心驚罰既釋兮瀆乃清妾持
楫兮操其維蛟龍助兮主將歸呼來擢棹兮行勿疑簡
子大悅曰昔者不穀夢娶妻豈此女乎將使人祝音拂後
以為夫人媼乃再拜而辭曰夫婦人之禮非媒不嫁嚴
親在內不敢聞命遂辭而去簡子歸乃納幣於父母而
立以為夫人君子曰女媼通達而有辭詩云來游來歌

以矢其音此之謂也

曲沃負者魏大夫如耳母也秦立魏公子政為魏太子
魏哀王使使者為太子納妃而美王將自納焉曲沃負
謂其子如耳曰王亂於無別汝胡不匡之方今戰國強
者為雄義者顯焉今魏不能強王又無義何以持國乎
王中人也不知其為禍耳汝不言則魏必有禍矣有禍
必及吾家汝言以盡忠忠以除禍不可失也如耳未遇
間會使於齊負因款王門而上書曰曲沃之老婦也心

有所懷願以聞於王王召入負曰妾聞男女之別國之

大節也婦人脆

音翠

於志窳

音愈

於心不可以邪開也是故

必十五而笄

音雞

二十而嫁早成其號謚所以就之也聘

則為妻奔則為妾所以開善遏

安入聲

淫也節成然後許

嫁親迎然後隨從貞女之義也今大王為太子求妃而

自納之於後宮此毀貞女之行而亂男女之別也自古

聖王必正妃匹妃匹正則興不正則亂夏之興也以塗

山亡也以妹喜殷之興也以有娀

音莘

亡也以妲

丹入聲

己

周之興也以太姒亡也以褒姒周之康王夫人晏出朝
闕雎起興思得淑女以配君子夫雎鳩之鳥猶未嘗見
乘居而匹處也夫男女之盛合之以禮則父子生焉君
臣成焉故為萬物始君臣父子夫婦三者天下之大綱
紀也三者治則治亂則亂今大王亂人道之始棄綱紀
之務敵國五六南有從楚西有橫秦而魏國居其間可
謂僅存矣王不憂此而從亂無別父子同女妾恐大王
之國政危矣王曰然寡人不知也遂與太子妃而賜負

三十鍾如耳還而爵之王勤行自修勞來國家而齊楚
強秦不敢加兵焉君子謂魏負知禮詩云敬之敬之天
惟顯思此之謂也

代趙夫人者趙簡子之女襄子之姊代王之夫人也簡
子既葬襄子未除服北登夏屋誘代王使厨人持斗以
食代王及從者行斟陰令宰人各以一斗擊殺代王及
從者因舉兵平代地而迎其姊趙夫人夫人曰吾受先
君之命事代之王今十有餘年矣代無大故而主君殘

之今代已亡吾將奚歸且吾聞之婦人執義無二夫吾
豈有二夫哉欲迎我何之以弟慢夫非義也以夫怨弟
非仁也吾不敢怨然亦不歸遂泣而呼天自殺於靡音摩
笄之地代人皆懷之君子謂趙夫人善處夫婦之間詩
云不僭不賊鮮不為則此之謂也

陶大夫答子妻也答子治陶三年名譽不興家富三倍
其妻數諫不用居五年從車百乘歸休宗人擊牛而賀
之其妻獨抱兒而泣姑怒曰何其不祥也婦曰夫子能

薄而官大是謂嬰害無功而家昌是謂積殃昔楚令尹
子文之治國也家貧國富君敬民戴故福結於子孫名
垂於後世今夫子不然貪富務大不顧後害妾聞南山
有玄豹霧雨七日而不下食何也欲以澤其毛而成文
章也故藏而遠害犬彘不擇食以肥其身坐而須死耳
今夫子治陶家富國貧君不敬民不戴敗亡之徵見矣
願與少子俱脫姑怒遂棄之處其年答子之家果以盜
誅唯其母老以免婦乃與少子歸養姑終卒天年君子

謂答子妻能以義易利雖違禮求去終以全身復禮可謂遠識矣詩曰百爾所思不如我所之此之謂也

蓋之偏將丘子之妻也戎伐蓋殺其君令於蓋羣臣曰敢有自殺者妻子盡誅丘子自殺人救之不得死既歸其妻謂之曰吾聞將節勇而不果生故士民盡力而不畏死是以戰勝攻取故能存國安君夫戰而忘勇非孝也君亡不死非忠也今軍敗君死子獨何生忠孝忘於身何忍以歸丘子曰蓋小戎大吾力畢能盡君不幸而

死吾固自殺也以救故不得死其妻曰曩日有救今又何也丘子曰吾非愛身也戎令曰自殺者誅及妻子是以不死死又無益於君其妻曰吾聞之主憂臣辱主辱臣死今君死而子不死可謂義乎多殺士民不能存國而自活可謂仁乎憂妻子而忘仁義背故君而事暴強可謂忠乎人無忠臣之道仁義之行可謂賢乎周書曰先君而後臣先父母而後兄弟先兄弟而後交友先交友而後妻子妻子私愛也事君公義也今子以妻子之

故失人臣之節無事君之禮棄忠臣之公道營妻子之私愛偷生苟活妾等耻之况於子乎吾不能與子蒙耻而生焉遂自殺戎君賢之祠以太牢而以將禮葬之賜其弟金百鎰以為卿而使別治蓋君子謂蓋將之妻潔而好義詩云淑人君子其德不回此之謂也

前漢

崇邑侯陳嬰之母也始嬰為東陽令史居縣素信為長者秦二世之時東陽少年殺縣令相聚數千人欲立長

帥未有所用乃請陳嬰嬰謝不能遂強立之縣中從之
得一萬人欲立嬰為王嬰母曰我為子家婦聞先故不
甚貴今暴得大名不祥不如以兵有所屬事成猶得封
侯敗則易以亡可無為人所指名也嬰從其言以兵屬
項梁梁以為上柱國後項氏敗嬰歸漢以功封崇邑侯
君子曰嬰母知天命又能守先故之業流祚後世謀慮
深矣詩曰詒厥孫謀以燕翼子此之謂也

丞相安國侯王陵之母也陵始為縣邑豪高祖微時兄

事陵及高祖起沛陵亦聚黨數千以兵屬漢王項羽與漢為敵國得陵母置軍中陵使至則東嚮坐陵母欲以招陵陵母既而私送使者泣曰為老妾語陵善事漢王漢王長者無以老妾故懷二心言妾已死也乃伏劍而死以固勉陵項羽怒烹之陵志亦感終與高祖定天下位至丞相封侯傳爵五世君子謂王陵母能棄身立義以成其子詩云我躬不閱遑恤我後終身之仁也陵母之仁及五世矣

齊太倉女者漢太倉令淳于公之少女也名緹音題縈淳

于公無男子有女五人孝文皇帝時淳于公有罪當刑

是時肉刑尚在詔獄繫長安當行會逮公罵其女曰生

子不生男緩急非有益緹縈自悲泣而隨其父至長安

上書曰妾父為吏齊中皆稱廉平今坐法當刑妾傷死

者不可復生刑者不可復屬音燭雖欲改過自新其道無

由也妾願入身為官婢以贖父罪使得自新書奏天子

憐悲其意淳于公遂得免焉君子謂緹縈一言發聖主

之意可謂得事之宜矣

京兆尹雋不疑之母也仁而善教不疑為京兆尹行縣錄囚徒還其母輒問所平反活幾何人即不疑多所平反母喜笑飲食言語異於他時或無所出母怒為之不食由是故不疑為吏嚴而不殘君子謂不疑母能以仁教詩云昊天疾威敷于下土言天道好生疾威虐之行于下土也

楊夫人者漢丞相安平侯楊敞

長上聲

之妻也漢昭帝崩

昌邑王賀即帝位淫亂大將軍霍光與車騎將軍張安世謀欲廢賀更立帝議已定使大司農田延年報敞敞驚懼不知所言汗出浹背徒曰唯唯而已延年出更衣夫人遽從東廂謂敞曰此國之大事今大將軍議已定使九卿來報君侯君侯不疾應與大將軍同心猶與無決先事誅矣延年更衣還敞夫人與延年參語許諾請奉大將軍教令遂共廢昌邑立宣帝居月餘敞薨益封三千五百戶君子謂敞夫人可謂知事之機者矣詩云

辰彼碩女令德來教此之謂也

河南太守東海嚴延年之母也生五男皆有吏材至二千石東海號曰萬石嚴嫗延年為河南太守所在名為嚴能冬月傳屬縣囚論府下流血數里河南號曰屠伯其母常從東海來欲就延年臘到洛陽適見報囚母大驚便止都亭不肖入府延年出至都亭謁母閉閤不見延年免冠頓首閤下母乃見之因責數延年曰幸備郡守不聞仁義教化有以全安愚民顧乘刑罰多刑殺人

欲以致威宣為民父母之意哉延年服罪頓首謝因為
御歸府舍母畢正臘已謂延年曰天道神明人不可獨
殺我不自意老當見壯子被刑戮也行矣去汝東歸掃
除墓地耳遂去歸郡見昆弟宗族復為言之後歲餘而
府丞所章結延年罪名十事下御史按驗遂棄延年於
市東海莫不稱母賢智君子謂嚴母仁智信道詩云心
之憂矣寧自全矣嚴母之謂也

後漢

梁夫人嫔

音翳

者梁竦

音聳

之女樊調之妻漢孝和皇帝之

姨恭懷皇后之同產姊也初恭懷后以選入掖庭進御

于孝章皇帝有寵生和帝立為太子竦后母養焉和帝

之生梁氏喜相慶賀聞竦后竦后驕恣欲專恣害外家

乃誣陷梁氏時竦在本郡安定詔書收殺之家屬移九

真後和帝立竦后崩諸竦以罪惡誅放嫔從民間上書

自訟曰妾同產女弟貴人前充後宮蒙先帝厚恩得見

寵幸皇天授命育生明聖託體陛下為竦憲兄弟所譖

訴而破亡父竦寃死牢獄體骨不掩老母孤弟遠徙萬里獨妾脫身竄伏草野嘗恐歿命無由自達今遭陛下神聖之德攬統萬機憲兄弟奸惡伏誅海內曠然各得其所妾幸蘇息拭目更視敢昧死自陳父既湮沒不可復生母垂年七十弟棠等遠在絕域不知死生願乞母弟還本郡收葬竦枯骨妾聞文帝即位薄氏蒙榮宣帝繼統史氏復興妾自悲既有薄史之親獨不得蒙外戚餘恩章既上天子感悟使中常侍掖庭令雜訊問知事

明審引見嫗等上泣涕賞賜累億嫗既素有節行又首
建此事上甚寵之稱梁夫人擢嫗夫樊調為郎中遷羽

林郎將恭懷后遂乃改殯

賓去聲

於承光宮葬西陵追謚

竦為褒親愍

民上聲

侯徵還母及弟等棠既到皆封侯食

邑五千戶君子謂梁夫人以哀辭發家門悟時主榮父

之魂還母萬里為家門開三國之祚使天子成母子之

禮詩云世之不顯厥猶翼翼思皇多士生此王國此之

謂也

漢中程文矩妻者同郡李法之姊也字穆姜有二男而前妻四子文矩為安眾令喪於官四子以母非所生憎毀日積而穆姜慈愛溫仁撫字益隆衣食資供皆兼倍所生或謂母曰四子不孝甚矣何不別居以遠之對曰吾方以義相導使其自遷善也及前妻長子興遇疾困篤母惻隱自然親調藥膳恩情篤密興疾久乃瘳於是呼三弟謂曰繼母慈仁出自天授吾兄弟不識恩養禽獸其心雖母道益隆我曹過惡亦已深矣遂將三弟詣

南鄭獄陳母之德狀已之過乞就刑辟縣言之於郡郡

守表異其母蠲

音消

除家徭遣散四子許以修革自後訓

導愈明並為良士穆姜年八十餘卒臨終勅諸子曰吾

弟伯度智達士也所論薄葬其義至矣又臨亡遺令賢

聖法也令汝曹遵承勿與俗同增吾之累諸子奉行焉

安定皇甫規妻者不知何氏女也規初喪室家後更娶

之妻善屬文能草書時為規答書記衆人恠其工及規

卒時妻年猶盛而容色美後董卓為相國承其名聘以

駟輜百乘馬二十匹奴婢錢帛充路妻乃輕服詣卓門
跪自陳請辭甚酸愴卓使傅奴侍者悉拔刀圍之而謂
曰孤之威教欲令四海風靡何有不行於一婦人乎妻
知不免乃立罵卓曰君殘暴之人毒害天下猶未足耶
妾之先人清德奕世皇甫氏文武上才為漢忠臣君親
非其趣使走吏乎敢欲行非禮於爾君夫人耶卓乃引
車庭中以其頭懸轆音厄鞭撲交下妻謂持杖者曰何不
重乎速盡為惠遂死車下後人圖畫號曰禮宗云

晉

陶侃母湛氏豫章新淦

音紺

人也初侃父丹聘為妾生侃

而陶氏貧賤湛氏每紡績資給之使交結勝己侃少為

潯陽縣吏嘗監魚梁以一坩

音甘

鮓遺母湛氏封鮓及書

責侃曰爾為吏以官物遺我非唯不能益吾乃以增吾

憂矣鄱陽孝廉范逵寓宿於侃時大雪湛氏乃徹所卧

新薦自剉

音莖

給其馬又密截

音千入聲

髮賣與鄰人供肴饌

逵聞之歎息曰非此母不生此子後侃竟以功名顯

梁緯妻辛氏隴西狄道人也緯為散騎常侍西都陷沒
為劉曜所害辛氏有殊色曜將妻之辛氏據地大哭仰
謂曜曰妾聞男以義烈女不再醮妾夫已死理無獨全
且婦人再辱明公亦安用哉乞即就死下事舅姑遂號
哭不止曜曰貞婦也任之乃自縊而死曜以禮葬之

虞潭母孫氏吳郡富春人孫權族孫女也初適潭父忠
恭順貞和甚有婦德及忠亡遺孤藐音眇爾孫氏雖少誓

不改節躬自撫養劬音勞

音勞

勞備至性聰敏識鑒過人潭始

自幼童便訓以忠義故得聲望允洽為朝廷所稱永嘉
未潭為南康太守值杜弼音構逆率衆討之孫氏勉潭
以必死之義俱傾其資產以餽戰士潭遂尅捷蘇峻作
亂潭時守吳興又假節征峻孫氏戒之曰吾聞忠臣出
孝子之門汝當捨生勿以吾老為慮也仍盡發其家僮
令隨潭助戰音貿其所服環佩以為軍資于時會稽內
史王舒遣子允之為督護孫氏又謂潭曰王府君遣兒
征汝何為獨不潭即以子楚為督護與允之合勢其憂

國之誠如此拜武昌侯太夫人加金章紫綬潭立養堂
於家王導以下皆就拜謁咸和末卒年九十五成帝遣
使弔祭謚曰定夫人

隋

鄭善果母崔氏者清河人也年十三適滎陽鄭誠生善
果周末誠討尉遲迥力戰死于陣母年二十而寡父彥
睦欲奪其志母抱善果曰婦人無再見男子之義且鄭
君雖死幸有此兒棄兒為不慈背死夫為無禮寧當割

耳剪髮以明素心違禮滅慈非敢聞命善果以父死王
事年數歲拜使持節大將軍襲爵開封縣公開皇初進
封武德郡公年十四授沂州刺史轉景州刺史尋為魯
郡太守母性賢明有節操博涉書史通曉政事每善果
出聽事母輒坐胡牀於障後察之聞其剖斷合禮歸則
大悅即賜之坐相對談笑若行事不允或妄瞋怒母乃
還堂蒙袂而泣終日不食善果伏於牀前不敢起母方
起謂之曰吾非怒汝乃愧汝家耳吾為汝家婦獲奉灑

掃知汝先君忠勤之士也守官清恪未嘗問私以身徇國繼之以死吾亦望汝副其此心汝既年小而孤吾寡婦耳有慈無威使汝不知禮訓何可負荷忠臣之業乎汝自童子承襲茅土位至方伯豈汝身致之邪安可不思此事而妄加瞋怒心緣驕樂墮於公政內則墜爾家風或亡失官爵外則虧天子之法以取罪戾吾死之日亦何面目見汝先人於地下乎母恒自紡績夜分而寐善果曰兒封侯開國位居三品秩俸幸足母何自勤如

是耶答曰嗚呼汝年已長吾謂汝知天下之理今聞此
言故猶未也至於公事何由濟乎今此秩俸乃是天子
報爾先人之徇命也當須散贍六姻為先君之惠妻子
奈何獨擅其利以為富貴哉又絲枲紡織婦人之務上
自王后下至大夫士妻各有所製若墮業者是為驕逸
吾雖不知禮其可自敗名乎自初寡便不御脂粉常服
大練性又節儉非祭祀賓客之事酒肉不妄陳於前靜
室端居未嘗輒出門閤內外姻戚有吉凶事但厚加贈

遺皆不詣其家非自手作及莊園祿賜所得雖親族禮
遺悉不許入門善果歷任州郡惟內自出饌於衙中食
之公廨所供皆不許受悉用修治廨宇及分給寮佐善
果亦由此克己號為清吏煬帝遣御史大夫張衡勞之
考為天下最徵授光祿卿其母卒善果為大理卿漸驕
恣清公平允遂不如疇昔焉

裴倫妻河東柳氏女也少有風訓大業末倫為渭源令
屬薛舉之亂縣城為賊所陷倫遇害柳時年四十有二

女及兒婦三人皆有美色柳氏謂之曰我輩遭逢禍亂
汝父已死我自念不能全汝我門風有素義不受辱於
羣賊我將與汝等同死如何其女等皆垂泣曰唯母所
命柳氏遂自投于井其女及婦相繼而下皆重死於井
中

唐

李德武妻裴氏字淑英戶部尚書安邑公矩之女也性
婉順有容德事父母以孝聞適德武經一年而德武坐

事徙嶺表矩時為黃門侍郎奏請德武離婚煬帝許之

德武將與裴別謂曰嫵

音嫵

婉音婉始爾便事分離方遠投

瘡

音瘡

癘

音癘

恐無還理尊君奏留必欲改嫁耳於此即事

長訣矣裴泣而對曰婦人事夫無再醮之禮夫者天也

何可背乎守之以死必無他志因操刀欲割耳自誓保

者禁之乃止裴與德武別後容貌毀悴

音悴

常讀佛經不

御膏澤李氏之姊妹在都邑者歲時朔望必命左右致

敬而省焉嘗讀列女傳見稱述不改嫁者乃謂所親曰

不踐二庭婦人常理何為以此載於記傳乎後十餘年間與德武音信斷絕矩欲奪其志時有柳直求婚許之期有定日乃以剪刀斷其髮悲泣絕粒矩不可奪乃止德武已於嶺表娶爾朱氏為妻及遇赦得還至襄州聞裴守節乃出其後妻為夫婦如初

楚王靈龜妃上官氏秦州上邽音圭人父懷仁右金吾將

軍上官年十八歸于靈龜繼楚哀王後而舅姑具存朝夕侍奉恭謹彌甚凡有新味非經獻不先嘗靈龜薨將

葬前妃閻氏嫁不踰年而卒又無近族衆議欲不舉之
上官氏曰逝者有知魂可無託乎乃備禮合葬聞者嘉
歎服除諸兄姊謂曰妃年尚少又無所生改醮異門禮
儀常範妃可思之妃掩泣對曰丈夫以義烈標名婦人
以守節為行未能即先犬馬以徇溝壑寧可復飾粧服
有他志乎遽將截鼻割耳以自誓諸兄姊知其志不可
奪歎息而止尋卒

高叡

音銳

妻秦氏女也叡為趙州刺史為默啜所攻州陷

叡仰藥不死夫妻至默啜所示以寶帶異袍曰降我賜爾官不降且死叡視秦秦曰君受天子恩當以死報賊一品官何足榮自是皆瞑目不語默啜知不可屈乃殺之

楊烈婦者李侃妻也建中末李希烈謀襲陳州侃為項城令以城小賊銳欲逃去婦曰君而逃尚誰守侃曰兵少財乏若何婦曰縣不守則地賊地也倉廩府庫皆其積也百姓皆其戰士也於國家何有請重賞募死士尚

可濟侃乃召吏民入庭中曰宜相與死守衆泣許諾得數百人侃率以乘城婦身自爨以享衆侃中流矢還家婦責曰君不在人誰肯固死於外猶愈于牀也侃遽登城會賊將中矢遂引去縣卒完君子謂楊烈婦忼慷知君臣大義云

董昌齡母楊氏昌齡嘗為泗州長史世居于蔡少孤受訓於母累事吳少誠少陽至元濟時為吳房令母常密誡曰逆順成敗兒可圖之昌齡未決元濟又署為郾

同

城令楊復誠曰逆黨欺天天所不福汝當速降無以前
敗為慮無以老母為念汝為忠臣吾雖沒無恨矣及王
師逼鄆城昌齡乃以城降且說賊將鄧懷金歸款於李
光顏憲宗聞之喜急召昌齡至闕即拜鄆城令兼監察
御史昌齡謝曰此皆老母之訓憲宗嗟歎良久元濟因
楊氏欲殺之而止者數矣蔡平楊氏幸無恙元和十五
年陳許節度使李遜疏楊氏之強明節義以聞乃封北
平郡太君

五代

王凝妻李氏凝家青齊之間為虢州司戶叅軍以疾卒於官凝家素貧一子尚幼李氏携其子負其遺骸以歸東過開封止旅舍旅舍主人見其婦人獨携一子而疑之不許其宿李氏顧天已暮不肯去主人牽其臂而出之李氏仰天長慟曰我為婦人不能守節而此手為人執邪不可以一手并汙吾身即引斧自斷其臂路人見者環聚而嗟之或為彈指或為之泣下開封尹聞之白

其事于朝官為賜藥封瘡厚卹李氏而答其主人

宋

諫議大夫陳省華娶馮氏生三子堯叟堯佐堯咨真宗時皆登進士第皆累遷至顯貴堯咨善射自號小由基為荆南太守秩滿歸謁其母母曰爾典名藩有何異政對曰州當孔道過客以兒善射莫不歎服母曰忠孝以輔國爾父之訓也爾不務行仁政以善化民顧專卒伍一夫之伎豈父之訓哉因擊以杖而堯咨金魚墜于地

世稱馮氏善教子有孟母之風焉

謝枋

音柄

得之妻李氏饒州安仁人也色美而慧通女訓

諸書嫁枋得事舅姑奉祭待賓皆有禮枋得起兵守安

仁兵敗逃入閩中武萬戶以枋得豪傑恐有扇變購

音構

捕之根及其家人李氏携二子匿貴溪山荆棘中採草

木而食至元十四年冬信兵蹤跡至山中令曰苟不獲

李氏屠而墟李聞之曰豈可以我故累人吾出事塞矣

遂就俘明年徙囚建康或指李言曰是當沒入矣李聞

之撫二子淒然而泣左右曰雖沒入將不失為官人妻
何泣也李曰吾豈可嫁二夫邪顧謂二子曰若幸生還
善事吾姑吾不得終養矣是夕解裙帶自經獄中死

元

闕

音瞰

文興妻王氏名楚楚建康人也文興從軍漳州為

其萬戶府知事王氏與俱行至元十七年陳吊眼作亂
攻漳州文興率兵與戰死之王氏被掠義不受辱乃紹
貽音貽賊曰俟吾葬夫即汝從也賊許之遂脫得負屍還積

薪焚之火既熾

遲去聲

即自投火中死至順三年事聞贈

文興侯爵謚曰英烈王氏曰貞烈夫人有司為立廟祀

之號雙節云

馮氏名淑安字靜君大名宦家女山陰縣尹山東李如忠繼室也如忠初娶蒙古氏生子任數歲而卒大德五年如忠病篤謂馮曰吾已矣其奈汝何馮氏引刀斷髮自誓不他適如忠歿兩月遺腹生一子名伏李氏及蒙古氏之族在北聞如忠歿於官家多遺財相率來山陰

馮氏方病乘間取其貲及子任以去馮不與較一室蕭然惟餘如忠及蒙古氏之柩而已朝夕哭泣隣里不忍聞久之鬻衣權厝音措二柩載音集山下携其子廬墓側時年始二十二羸音累形苦節為女師以自給父母來視之憐其孤苦欲使更事人馮爪面流血不肯從居二十年始護喪歸葬汶上齊魯之人聞之莫不歎息

國朝

韓太初妻劉氏真定新樂縣人太初仕元為顯官洪武

七年家徙和州劉氏奉其姑寧至南宮縣姑仆音赴地傷

其腰劉氏籲音裕天刺臂血和湯以進遂愈至瓜洲姑復

病再進再愈至和州鬻蔬以供養無違禮又二年姑患

風疾不能起時盛暑劉氏晝夜驅蠅蚊不怠蛆音沮生枕

席嚙音果其蛆蛆不復生姑病隨愈後除夕姑忽病危嚙

劉氏小指意與之永訣劉氏不悟明日斬指滴血和粥

以進姑病逾旬復愈越月而卒劉氏遵遺命殯之淺土

俟歸葬舊塋音營五年而弗果哀號常如袒括之日事聞

上召至京厚賜之官送竄氏喪歸葬新樂旌門復其役
燕山中護衛指揮使費愚妾朱氏愚久患風疾不愈一
日醉語其妻妾曰我死誰與俱往朱氏遽應曰妾願往
及愚卒朱氏即自經死事聞上嘉其節義命賜誥視正
妻降等贈之

古今列女傳卷二